

Jalan TAR ditutup setiap Sabtu sepanjang Ramadan

(8 MAC 2023) Sinan, pas

Ia susulan pemindahan Pasar Malam@Lorong Tar ke jalan itu bagi beri laluan penganjuran bazar Aidilfitri

Oleh **NORAFIZA JAAFAR**
KUALA LUMPUR

Pasar Malam@Lorong TAR akan dipindahkan ke Jalan Tuanku Abdul Rahman (TAR) pada setiap Sabtu sepanjang Ramadan.

Dewan Bandaraya Kuala Lumpur (DBKL) dalam satu kenyataan berkata, ia bagi memberi laluan kepada penganjuran Bazar Aidilfitri@Lorong TAR yang bakal berlangsung mulai 29 Mac hingga 21 April depan.

Menurut kenyataan itu, sebahagian Jalan TAR akan ditutup untuk aktiviti pasar



Bazar Aidilfitri@Lorong TAR menjadi tarikan utama warga kota membeli-belah bagi persiapan menyambut Aidilfitri saban tahun.

malam membabitkan tarikh 25 Mac, 1 April, 8 April dan 15 April 2023.

“Penutupan jalan itu bermula dari persimpangan Jalan Esfahan sehingga ke persimpangan Jalan Melayu.

“Laluan trafik akan ditutup mulai jam 12 tengah hari hingga 12 tengah malam,” katanya menerusi kenyataan pada Selasa.

Justeru itu katanya, warga kota yang

ingin ke bazar Aidilfitri dan pasar malam serta sekitar Masjid India diminta merancang perjalanan bagi mengelakkan kesesakan lalu lintas.

“Penggunaan pengangkutan awam sangat digalakkan.

“Bazar Aidilfitri@Lorong TAR akan beroperasi dari jam 10 pagi hingga 12 tengah malam sepanjang tempoh itu,” katanya.